

Kofej! ty sylne požadanje  
 A wulka časow potrjeba;  
 Štóz słyši twoje pluskotanje  
 Z tej' brunej' kany do nopka,  
     A njej'-li zopař zastarski:  
     Tón so kaž z nowa narodži  
     A po wšěch zmyslach zwjeseli.

Duž tež z tej dobrej brunej włóhu  
 Dzeń započina čłowjestwo,  
 Kaž bórzy z loža krótku dróhu  
 Je do žiwjenja stupilo;  
     Kofej! tak mnozy wołaja,  
     Kaž rano woči wočinja,  
     Kofej je přenja myslička.

A kajkich wědženstwow je trjeba  
 Jón slódnny pěknje hotować!  
 To žónsku do wěčnosće hrjeba,  
 Chcył ji štó we tym porok dać;  
     Muž drje wšak tež jón nawari  
     A z khětrej česću wobsteji,  
     W tym žonu pak njepřetrjechi.

Tež prawa žona z luboznosću  
 Wě pomhać jeho slabosći,  
 Hdyž jón z čím lěpšej řečniwosću  
 Do rjanej' šalki porjedži;  
     Tak, njech tež trochu ječny je,  
     Njech kwětka w šalcy přez njón kće,  
     Wón — z lubosću so wobsunje.